

四庫全書

集部

欽定四庫全書

集部

少室山房集卷五十三

四

詳校官編修_臣翟槐

侍讀_臣孫球覆勘

總校官庶吉士_臣何思鈞

校對官中書_臣王鍾泰

謄錄監生_臣趙希濬

欽定四庫全書

少室山房集卷五十三

明 胡應麟 撰

七言律詩七十三首

夜同祝鳴皋話舊

玄亭遙夜一尊開
握手青衫氣未回
擊筑幽燕人漸老
看花韋杜客重來
千秋彩筆雙驚座
萬里黃金獨上臺
咲殺公車成偃蹇
仍將詞賦入蓬萊

答何仁仲見寄

曩與晤于都下

白眼雙攜向濁醪平原十日興偏豪千金客邸新龍劍
五色王家舊鳳毛赤壁簫橫雲夢月黃陵帆落洞庭濤
持螯一醉堪名士何用床頭著楚騷

贈張觀察助甫四首

有序

不佞與張公助甫相慕有年矣長安邸中邂逅
識面宛如生平旋出素業揚扆指歸語語
契合肝膽形骸幾欲為一昔人亟稱忘年交

蓋未足多也爰賦四詩用志鄙懷

夢寐中原問執鞭橐鞬此夕快周旋
星窺碣石談天座月擁梁臺賦雪筵
造父馭來俱駿骨風胡攜處總龍泉
無誇片諾乾坤易屈指詞場二十年

羸馬西尋易水來和歌無客自徘徊
翻疑地遠荆高俠豈謂天留屈宋才
八郡河山開氣象七陵風雨動崔嵬

從他令尹關門候縱飲黃金百尺臺

時將有寧夏之命

臨風何處不支頤邂逅平原即故知
紫氣坐間中岳近

白雲停處太行遲先登獨著三朝望後起猶攀七子時

醉解吳鉤君莫笑十年虹色伴要離

助父汝南人以山西觀察入覲

一尊岐路去仍留唱徹驪駒下酒樓西日萬山懸晉冀

北風千里度燕幽詞臣欲傍褰帷老壯士難禁擊筑愁

最憶故人關右句牙旗金印坐邊頭

敬美叢送助父有金印牙旗君好住

之句

別殷無美

桃花紅照白綸巾去住陽關各慘神杜宇競催題賦客

伯勞如送和歌人何慚駿骨還青海獨探驪珠上紫宸
四十成名君豈暮九重開閣在平津

王季孺過訪寓中值余偶出詰旦往報季孺已
得第遷居矣

十里名山一抱琴那知車馬到同心徘徊凡鳥題空谷
悵望遷鶯隔上林太乙爐香三殿迥平康絃管萬家深
木天咫尺羣公聚獨有莊生尚越吟

湯義仍過余適余命工櫛髮欲起義仍亟止余

對談竟櫛因相顧大笑曰竹林風致何必晉
人俄余鼓柁南歸興會相思輒有此寄

散髮逢君易水頭紅塵紫陌並追遊狂呼楚客青絲騎
醉擁吳姬白玉樓三館地堪容執戟五湖天欲問歸舟
江聲月色能相望九月鴻書到敝裘

別章陳二進士

龍樓春色暫徜徉滿袖桃花越客裝望裡黃金高碣石
行邊白壁照咸陽雲沙西北雙芒屨象緯東南一草堂

君自乘車吾戴笠暮天長揖下河梁

別劉仲清

盧龍寒色暮蕭蕭指點黃金半寂寥廿載聲華傳岳牧
宿生緣業在漁樵塵埃擊筑千山動宇宙藏書一壑遙
無限渭城杯酒思行人車馬出河橋

別朱汝修祝鳴皋

一蓑重問舊漁磯回首桐君賦式微客路千山明月老
親聞萬里白雲飛幽燕姓氏窮先輩吳越行藏舊少微

莫怪荆高攜送遠春明門外和人稀

贈濟上張公子

飛霜匣底轆轤寒玳瑁堂開白玉盤豪士扶風新閱閱
儒風曲阜舊衣冠當門鳳尾俱成竹後院蛾眉欲夢蘭
肯許四明狂客醉一尊河斗任闌干

贈姜計部仲文

蚤向龍樓奪錦袍含香暫輟下仙曹牙樯十道催燕餉
畫戟千山醉楚醪芒碭龍蛇閒大澤呂梁魚鱉靜飛濤

莫誇戲馬前朝句今日登臺屬俊髦

懷大中丞滕公二首

雨露經時竭海壖東南民力兩茫然潢池驟喜驚波息
沃野重看化日懸氣象三垣元拱極勲名八柱已擎天
丹宸蚤夜思良弼宵放歸畊下澤田

時公方上疏乞休
不允浙中頻歲饑

饑復當多故兵民
帖然公之力也

十年塵土快遭逢碌碌慙為國士容業在祇應捫薜荔
恩深何處効芙蓉寒風海甸驅千鱷曉日天門扈六龍

獨有夢寬長戀戀夜隨征雁過吳峰

與朱在明訂期江上十年矣是秋北上余復病
不能赴約走筆寄此并詢諸郎

彩筆翩翩照畫橈青春曾賦廣陵潮誰言魯國風流盡
自許夷門俠氣饒白髮懷人猶四海紅顏結客已三朝
成行玉樹堦庭下可記當年抱阿瑤

在明初得子日余與黎惟敬諸君咸

集坐中惟敬以阿瑤名之

復作此戲東在明二首

馬馱沙長一棹遊朱家十六最風流屏前小小初勻額
畫裡真真欲點頭客到玉臺花似綺人歌金縷月如鉤
參差已盡浮生樂獨欠銀河問女牛

象枕牙牀白雪驕畫樓朱閣暮雲飄能將鸞鵲排高髻
肯惜驂騑換細腰桃葉盛誇三婦艷蓮花差比六郎嬌
在明行第十六貌不甚揚而風度致佳何因驟發觀濤興來聽揚州月下
簫

夜泊京口懷李惟寅

金釵十二迴成行彩筆三千照畫堂座裡新霜流漢闕
尊前明月滿胡床簫橫赤玉元戎醉拍按紅牙上客狂
一片秋光渾似畫爛燒銀燭理霓裳

時大江明月如畫
因憶燕中舊遊寄

此

夢遊白下遇朱十六鴻臚

一枕黃梁白日懸西風遙上木蘭船江光翠落千門底
山色青浮十廟前酒壓吳姬春似海香消盧女夜如年
何因喚取朱家俠盡出紅粧玳瑁筵

病中張別駕以薪粟見餉賦謝

昨日江風大放顛六花成陣月明前三漿錯擬天人供
一飯真逢地主賢郢里寒光飛白苧河陽春色弄朱絃
殷勤為訊文園客可是登臺作賦年

贈余明復水部

時枉過舟中

青雀黃龍駐彩旄牙樯錦纜照宮袍當今學士誰山斗
自昔文人擅水曹象緯中天流說劍雲霞絕壁墮揮毫
他年勝蹟留孤艇肯讓登仙郭李豪

大司空潘公馳驛夏村時不佞臥病舟中公特
使相存且為覓舟南返感謝二律

崛起東南見偉人行藏咫尺動星辰丹心自許乾坤業
白首誰稱社稷臣擁傳百川勞灌注持籌萬國待經綸
遙知夏后功成日燦爛玄圭出紫宸

華夏勲名二十秋大臣風節迥難儔扶天厯捧三朝日
鑿地頻安四海流九塞飛芻停帝闕八方輪粟湧神州
他時名姓麒麟上肯讓平陽第一籌

夏邨病劇不能北上而返有懷大中丞滕師

國士知從最少年飛揚騰踏擬無前何難虎觀名三百
總為龍門路八千太白東南孤配月長虹西北遠連天
無慙老作揚亭客白髮猶堪侍草玄

再疊前韻懷滕先生

十二樓中二十年一身渾擬當三千虛疑駁骨圖中問
不信蛾眉畫裡傳酒肆欲尋西蜀底鹽車長阨太行前
從教老被嬋娟誤肯抱琵琶向別船

司空潘公濬渠迄工紀事

突兀高牙駐海湄峨岻大艦接淮沂千山鑿就魚龍囿

百水輸成雁鶩池

渠中水自濟上來
泉源凡七十二道

赤日燃燈窮魍魎

碧天橫鎖鎮支祈何辭盡白潘公髯一代君臣際遇時

東余明復乞舟

臺上黃金半草萊追風躡電且徘徊窮當歧路千愁集
老向風塵百病摧上國寒梅從報雪故園新籜已聞雷
殷勤為問余工部幾日青帆泗上來

寄王敬美太常時新赴白下任

一官誰道太常閒
六代名山任意攀
句曲洞前捫峭嶺
石頭城下弄潺湲
青天跨鳳高臺去
白日飛驕大桁還
若問季真狂態盡
風流何客伴酡顏

陳玉叔方伯以書扇見貽寄荅并與索鮮荔子
飛槭頻到潑江濱
意氣寧知岳牧臣
帝謂旬宣勞大吏
天將形勝屬才人
棠陰護處連三蜀
荔子嘗來遍七閩
道是楓亭神韻絕
可能籠寄隔州民

題張大宗伯閒雲館

十二闌干照碧梧，鬱葱臺館傍洪都。
閒將太乙青藜杖，暫憩東方白玉壺。
大澤未應龍臥穩，高崗寧許鳳鳴孤。
蓬萊五色天光近，屈指黃麻到畫圖。

張大來過訪適余至自新安大來以詩見貽賦

答蕪東明府葉公

蕭然行李發清笳，握手江城思獨遐。
一去白榆千象緯，千秋玄草贈雲霞。
津頭乍合司空劍，海上仍飛博望槎。

滿目河陽桃李色不堪離恨對瑤華

贈俞山人

杖屨千峰度夕嵐青鞋蹤跡遍江南
風輪獨悟恒沙劫水運重飛碣石談
望裡牛眠占自合封來馬鬣氣長含
騎羊獨有金華客不向公明問石函

題白雲遐思卷

鬱鬱名山瑞氣藏青囊聞說受曾楊
三秋落日懸高隴一片飛雲墮太行
松栢望中愁並遠蓼莪吟處夢偏長

終天我亦同遺恨
颯沓寒風到北堂

再寄汪司馬先生時司馬避暑焦山未返

蒹葭晴望迥蒼蒼
白露溥空盡作霜
倦客已辭天北極
佳人猶在水中央
江霞萬疊晨殮麗
海月千帆夜坐長
咫尺羣真蓬島近
大將椽筆洒扶桑

贈武林章太學

百里錢塘路未分
幽棲誰狎鷺鷗羣
扶風豪士能題賦
蜀郡王孫舊好文
白苧飛觴時墮月
青萍懸榻夜生雲

涼秋莫負樓船約爛漫芙蓉越水濱

寄吳憲使先生

太微重照越江南何似薇花對夜談雪色雙龍頻掩映
風稜千騎並駢驪平湖西去浮青黛大海東迴望鬱藍
十里芙蓉公事盡可辭椽筆寄雲嵐

聞汪伯玉至自京口暫寓武林僧舍走筆代東
并以奉期

錢塘此日停絲竿鐵甕經秋臥錦袍虎豹有時驚仗鉞

魚龍無處避揮毫湖頭寺擁三天竺海上樓觀八月濤
百里蘭陵歸路近西風那不醉葡萄

滕中丞行汎海上奉寄

秋色轅門照大旗千山玄甲度熊羆頻年河內謳歌借
此日淮陰號令馳大海潮生强弩合平湖波簇畫船移
何人為草征西檄得似袁宏幕下時

黃公補過訪話舊寄訊喻邦相胡孟弢

雙樹蕭蕭對不眠狂歌痛飲竹林前何來把臂華陽夕

宛似論心碣石年北極寒星隨鳥履西山踈雨待樓船

江州舊識如相問寂寞揚亭抱太玄

公補弟公紹時在南昌

奉寄中丞滕師

倚天雄劒切雲冠山岳猶驚柱後彈虎豹留都環仗鉞
鯨鯢淮海避登壇牙旗挂月千艘靜玉笛飛霜萬燧寒
最是青油碁興劇不將藜杖到長干

題葉明府兩臺交獎卷

動地權聲徹紫宸偏從盤錯覩經綸芝蘭萬室圍仙吏

桃李千山照玉人，
鳥下青雲覓欲化。
簾前白日雉偏馴，
極知姓字懸當宁。
百里那能借鳳麟。

送大中丞吳公之洛中二首

吳公初
擢南都

雨花臺畔乍停車，
重覩青鸞下玉除。
大府賓僚迎獨坐，
中原豪傑避前驅。
雲飛雒邑朝巡外，
雪滿梁園夜燕餘。
屈指內廷徵異績，
門人誰薦治安書。

余吳公所
舉士也

幾年方岳借雄才，
夾葉龍章漢殿來。
帝寵驟移中執法，
軍容初建大行臺。
戈鋌掩映峻陵日，
鼓吹喧傳洛水雷。

小隊雲中尋二室何人詞筆競鄒枚

送少宰趙公入都

五夜丹青出九重千秋廊廟慶遭逢
兒童夙昔傳司馬元老當今屬臥龍
館近弘文天咫尺宮深平樂暮從容
三台望處偏清切不盡東南瑞氣濃

喻封翁八旬寄賀

八公曾否下淮陽五老真看出豫章
夢逐非熊遊絳闕身將雛鳳住黃堂
冰桃坐上初留核玉樹庭中儼作行

翹首仙都雲氣合夜來笙鶴正徜徉

中丞滕公移鎮越中寄訊

鐵騎牙旌控上游飛書馳檄羨風流誰言夾谷偏文事
共識南陽借武侯大吏百城環綉斧材官十郡扈清油
千山月色胡床夜獨奏梅花坐海樓

蘇觀察君禹校士吳興迴省余入訪留飲署中
作

一榻蕭蕭萬籟澄闌干十二暮同凭當時虎觀誰先達

此日龍門說獨登著就新書逾越絕攜來名酒自吳興
極知顧盼王陽在不羨輕肥遍五陵

張孝廉大來以詩翰從葉明府見貽賦答

稷下論心興未遐風塵回首隔天涯
迷花有客棲三洞采藥何人臥九華
籬秘龍韜光射斗書傳鳬舄氣凌霞
同聲咫尺仙郎在一棹能無向若耶

允達臥病山中寓書拉余過訪先此寄答并促

擘舟

榻上寒山擁夕陽西風憔悴艾荷裳豐城自昔多龍氣
鄴下於今少雁行渴露相如情獨苦觀濤枚叔興偏長
何肯定作東籬客白酒黃花盡意嘗

易使君還三衢寄訊

黃金輝赫下龍樓竹馬爭迎郭細侯渤海盛傳新政績
河陽猶詫昔風流山中白石經時臥洞裏青霞隔歲遊
莫戀桃花樵斧畔含香仍見八螭頭

送郭觀察之秦中

大旆晨飛下越臺，咸陽宮闕正崔嵬。
三秦紫氣懸書出，二華青雲作賦來。
海畔棠陰猶蔽芾，天邊藜火獨徘徊。
亦知太史留遺宅，重向龍門闢草萊。

送區太史使江藩便道暫還南海寄訊程孔信

山人

玉冊搖光下帝畿，春明霞色上朱衣。
不妨開閣停玄草，猶記聽鐘直紫薇。
海月夜迎仙蓋滿，江雲晨逐使槎飛。
丹梯萬丈羅浮頂，幾折梅花問少微。

送熊茂初之閩中

才子成都第一流，含香遙下鳳凰樓。
詞場蚤壓三千客，酒戶偏宜十萬侯。
金鑰夜懸青瑣夢，玉簫晴引赤城遊。
新詩九曲留題徧，莫忘飛鴻灑水頭。

茂初訂余為赤城之遊

贈馮觀察二首

識面馮君最少年，何來雙翮並蒼然。
黔陽萬壑褰帷後，潞水千家擊筑前。
大雪當杯停馬首，清冰盈匣贈龍泉。
慇懃遍踏吳山色，肯許文園卒歲眠。

把袂秋風白苧涼
壚頭猶記舊清揚
談兵武略雄三署
校士文名擅八荒
得句乍逢天姥客
飛書曾懾夜郎王
那堪後夜河橋別
落月啼烏上客航

壽方翁為門士祝華父作

拂座桃花映壽觴
清歌一曲和霓裳
真人忽駐青牛駕
處士新開白鶴庄
酒送芳筵林月滿
籌增華屋海天長
經年彩筆玄亭閑
一為侯芭薦頌章

壽何宗伯啓圖六秩

宗伯為仲默先生冢孫
時尊人亦以是年八秩

紫氣東溟日夜懸
安期飛舄畫堂前
圖書再覩生申地
甲子初迴降岳年
虎觀千秋藜作杖
龍門三世筆如椽
靈椿更入飛熊夢
盡壓人間玳瑁筵

送丁文統少府之龍溪

百里浮沈上駟才
一官袍笏下蓬萊
寧辭海畔哦松去
揔為山中抱檄來
孤劍星辰延水躍
尺書雲霧幔亭裁
薰風荔子衙齋熟
好寄筠籠到越臺

送范使君之壽州

駢驪五馬盡驂騑
燦爛雙龍拂斗牛
園土西曹推執法
專城南國借名流
徐方樹色侵官道
濠上花香撲郡樓
為探霍林天遠近
秋風行拉巨卿遊

寄題王明府湘山別墅

拙宦頻年髻色侵
歸來松菊漸成林
河陽小試栽花技
彭澤寧忘愛秫心
賜履尚方曾易識
挂冠神武定難尋
名駒正接天開步
可戀湘山入處深

奉東師相趙公二首

北蕩東征盡敵巢指揮廊廟失蕭曹功高已見玄圭錫
道大翻憐赤舄勞謾說南郊饒意以終省西域醉蒲萄
時甫育事西方他時四海平成後盛集詞人賦彩毫

華夏安危屬上臣折衝尊俎冠羣倫雲霞夢屢飛黃閣
天日忠偏繫紫宸祇見龍裳增黼黻寧容貝錦玷絲綸
中宵試望長安氣爛漫台垣扈北辰

送何仁仲之白下

又整行裝向石頭春雲無賴紫驂騑千門樹色開長樂

雙槩桃花過莫愁罷賦上林吾偃蹇吟詩東閣汝風流
深秋儻下金陵鷁為掃城南太白樓

賀陳玉叔六秩二首

百尺樓頭臥正長東來紫氣繞扶桑三湘雪色流花徑
五岳霞踪寄草堂經世文章唐宿老登壇詞賦魯靈光
無論伏櫪雄心在奕葉天池鳳羽翔

廿載馳驅岳牧勞懸車蹤跡且漁樵家傳楚客青雲舊
洞訝秦人白日遙伯玉詩名元四海孔璋文譽已三朝

猶聞昨夜麻姑信書到潯陽正落潮

玉叔家
近武陵

寄張觀察時駐節婺中以翰貺見訊

雙虹何處伴吳鉤按節遙當大海流
染翰雲霞千嶺色褰帷城郭萬家秋
時同仲舉開陳榻日伴休文臥沈樓
莫訝駘生頻獻賦州民誰不頌行驄

送蘇叔大還嶺南並遊白下江都買妾

一枝南海見琅玕詞賦翩翩刷羽翰
彩筆半傾鸚鵡座青衣羣着鷄鵲冠
言尋桃葉江都去不待梅花碣石殘

我亦南中行買宅春風藜杖到長干

蘇生美風韻多安陵之好故云

題盧思美大雅堂

大厦新成燕雀留高軒長日坐夷猶圖書四壁窺河漢
枕簟雙扉宿女牛尼父刪垂洙水畔杜陵題寄蜀江頭
他時八咏標名勝底事東陽說沈樓

黃魯直題杜陵所居大雅堂

送張仲立之清源

花簇紅亭帳解攜敝袍猶戀故人綈雙龍劒豈當年合
駟馬車仍舊日題彩筆雄風橫泰岱銅符名郡控青齊

飛書蚤報循良績旦夕黃金下紫泥

送葉起元入都

飛揚三策射蓬萊龍劒翩翩度越臺蜀國盛傳中散賦
河汾誰似仲淹才旌旗太液春風繞鼓吹平康夜月來
到日彩毫干氣象泥金先向洛陽裁

少室山房集卷五十三

欽定四庫全書

少室山房集卷五十四

明 胡應麟 撰

七言律詩八十六首

喻明府邦相新至邑適康山人裕卿自虔州還
雁宕過訪同集署中分韻得杯字

雙鳬新自鳳城來足馬言尋雁宕迴萬里風期仍下榻
千秋詞賦共銜杯雲霞彷彿飛燕社星斗依微墮越臺

試問移官湘水日曾將賓客並鄒枚

冬夜喻水部康山人過集齋中

萍踪十載共相望邂逅重開竹下觴
客子驅車還越嶠詞臣飛舄到河陽
虹霓色動高天外日月春生大海傍
曾見桃花連四境先攜賦草過西堂

曹子念歲暮過訪夜同集喻邦相署中分得雲字

仙槎逼歲下江濱客館張筵傍夜分
西北萬星懸對酒

東南片月墮論文鳴琴是處棲鸞翮岸幘誰能喚鶴羣
不信茂陵愁緒減坐深庭葉漸紛紛

寒食喻明府以詩招集署中

折簡應憐令節徂琴堂尊酒坐頻呼青雲漸許詞人合
白雪偏隨傲吏孤海嶠仙風迴玉鳥江天明月墮冰壺
河陽樹樹催春發一問安仁賦有無

題邦相容膝軒

一椽容膝構初成坐挾胡床碧蘚平漫擬柴桑歸日傲

斲同梁父抱時情窓臨南浦千花入簾捲西山萬樹明

自是太玄耽寂莫可容雙屐問柴荆

陶審容膝之易安

午日王次公過訪小齋邀同邦相夜集二

首

幾年詞賦憶登樓錦纜初停節使舟午日正逢花縣賞

是日先集邦相署中

薰風仍赴竹林遊歌來大澤青天暮語入長

安白雪愁漫道匡廬帆色好于今地主是南州

千騎輝煌出帝都一尊攜手話長途桃花忽駐吳門鷁

柳色重邀漢殿鳬坐裡天迴卿月並亭前
雲擁客星孤無輕此夕平原醉容易人間覓酒徒

明晨邦相為具邀余同次公登蘭陰山迨暮乃
別

絕磴飛梁杖底迴闌干遙望夕陽開天懸萬壑低吳岫
地擁雙流抱越臺賦就定應雄屈賈遊成端不負宗雷
藂蘭滿目堪攜興一為千秋闢草萊

捫蘿日暮到蒼茫絕壁看天興轉狂三洞霞光迴蠟屐

九峰雲色墮胡床青精欲借仙人箸白練偏題國士裳

悵望十旬虛左意片帆簫鼓下潯陽

是日次公為明府及余作大書至十

紙餘

王長公兩寄余書不值乍次公之江右始得之

時公雅慕長生將以八月閉關與塵世絕書

來云云悵然奉寄二首

落落登壇意未降生花長夢筆如杠風霜驟喜來空谷
雲霧猶驚隔大江上界仙才元第一中原詞客定無雙

三山尚計當年約肯遲寒空白玉幢

郢曲徒勞望海天吳絲真愧玉堂傳頻年客夢青綾外
一代神交白苧前大藥蚤聞飛姹女靈圖曾否下真仙

西行莫謂秋期近紫氣關門日夜懸

時公以吳綾及詩扇見貽

壽邵使君八秩

司成許公命作邵為侍御君父

海嶠千花簇綺筵金章遙並繡裳懸趨庭正值乘驄候
臥閣猶思下鳳年天姥月明飛夢過若耶雲起探春還
垂竿可道偏行樂咫尺蒲輪渭水前

寄楊計部

暫辭簪筆下蓬萊
縹緲風烟越嶠開
放鶴夜眠高士墓
呼猿晨謁梵王臺
平湖絃管千家集
大海帆檣十郡來
早晚長楊思獻賦
豈應岩穴滯仙才

時楊寓錢塘放鶴亭
呼猿洞俱在湖上

胡文父自燕中迴同邦相夜過齋中小集

故人青眼話從容
明府朱絃並過從
此夕風烟迴辟荔
十年星斗散芙蓉
神來未覺匡廬遠
夢去先愁越嶠重
下榻南州今好在
漫將離色賦飛龍

同胡文父集喻邦相署中

射策初從漢殿迴，風流地主重徘徊。
三年共記看雲別，萬里真成挂雪來。
搖落劍光偏傍斗，浮沉書札但含杯。
無誇席上荀陳聚，紫氣中宵遍越臺。

中秋日同邦相餞孟弢於蘭陰山得詩四首

絕頂秋光面面迴，平分吳楚一登臺。
尊前白日雙龍下，屐底青天萬象開。
握麈並高詞客興，含毫深憶大夫才。

先是王次公過與邦相及余同登是日出觀所留詩卷
銀蟾漸起東南色，遮莫驪

歌薄暮催

漫向名山賦別離
芳尊纔愜故人期
嬋娟萬里猶今夕
兄弟中原自一時
地擁蘭皋餘氣色
天迴澱水盡漣漪
使君大有襄陽興
醉舞何妨並接離

彩筆曾將擅帝京
何來愁病臥高城
乾坤漸老文園客
湖海猶深魏闕情
一代應徐非異域
千秋潘陸是同盟
相逢此夕雖云易
忍挂青帆月下行

一時賓主並風流
無奈離心傍客舟
待月總攜天柱興

觀濤俄失廣陵遊，淒清畫角同歸暮。
縹緲寒砧獨去愁。

咲殺平原期十日，不禁盧女望刀頭。

孟弢以思家亟歸故末句嘲之

大司空朱公招余過訪，余以病臥不獲赴，意甚

感馬輒成小詩奉寄

領袖三朝岳，降神乞歸江畔。
有閑身，雲霄北望猶明主。
日月中原自老臣，青玉乍攜扶骭。
麟玄圭載錫，偃經綸極知一水。
堪移棹，愁絕文園病肺人。

王孫孔暘以迺翁自號竹隱，因作亭曰依隱，走

冊索余賦詩

淇水何年卜素封依然文室寄遐踪
高枝逼漢曾棲鳳新籜連雲更臥龍
色照西山青萬疊影搖南浦綠千重
清吟不訝王猷傲藍輦何妨日過從

送廣文閔先生之檇李二首

閔烏程人余嘗及為諸生

為羨除書下日邊一官猶抱昔時氈
菰蘆舊業行偏近苜蓿新齋坐更偏
繡服春回苔水上青衿雲擁澗門前
莫誇奇字空千載蚤向揚亭授太玄

五載蘭陰宦輒勞，移官華髮未蕭騷。
衙齋地僻占龍氣，閭闔雲深憶鳳毛。
夾道吳民誇絳帳，分行越士泣青袍。
偏怜百里苕溪路，竟日能傳若下醪。

寄答宗良王孫

渥洼何處問龍媒，共識南州八斗才。
海嶠未容雙劍合，江城俄報尺書來。
天迴滕閣霞生座，地近梁園雪滿臺。
見說鳴鑾多樂事，一帆能許傍鄒枚。

寄答孔暘王孫

寒濤寂莫豫章船
翹首朱門客思懸
片諾未交南斗下
千行遙墮北風前
亭依孺子堪招隱
閣近滕王借草玄
咫尺龍沙春信到
白梅青柳定誰傳

邦相以新正趨府舟中望金華雪色見懷賦答
乍喜春風問鵲冠
開緘白雪照林巒
飛花迥落鄒枚座
麗藻先登屈宋壇
江浦樓臺晴弄色
海天城闕暮生寒
瑤京咫尺三山在
乘興能過十二闌

人日邦相過訪小齋留集至暮分得尋字並懷

燕社曩歲之集

飄然雙鳥暮相尋佳節頻過意自深
掃徑乍當梅柳下飛觴遙坐薜蘿陰
中天日月燕臺色萬里江山越嶠吟

舉目賜環應有詔大明宮闕翠華臨

唐人有人日大明宮應制詩

奉賀觀察吳公擢任大叅二首

除書五夜下青霄共識吳公治行超象緯
坐看燕闕近雲霞行憶雁山遥湖心錦纜維
春色城上金尊落暮潮
倘許侯芭仍叩閣紫薇花下問瓊瑤

牙旗又轉越江西荏苒年光惜解攜轉粟暫勞蕭相畫
看花猶記白公題雲屯大陸千倉滿雪照長淮萬舸齊
回首石門歌嘯地幾從明月望丹梯

時吳公
職督運

寄懷方伯滕師二首

時方卜
築武夷

萬山何處粵王臺半榻寒空寄草萊白社定偕高士臥
青門聊學故侯開風塵西北懸車淨宇宙東南曳杖迴
愧殺草玄亭下客攀雲無路到崔嵬

十載頻含帝命馳掛冠偏稱黑頭時風雲一代歸文苑

日月千秋弄武夷白傅詩情蘘草在謝公幽興杖藜知
扁舟九曲誰言遠極目桃花徧路岐

送王次公觀察視學關中六首

咫尺除書氣象新漸看霄漢問詞臣文章一代初推轂
名姓三朝舊斲輪露冕星光遙動鄴褰帷雪色欲飛秦
柏梁臺殿抽毫處年少誰當屬和人

牙旌初入豫章臺繡鉞俄看灞上開把袂雲霞匡續去
飛書河岳巨靈來公餘雁塔誰高倡客滿龍門孰上才

寂莫漢庭遷史宅遺踪一為問蒿萊

絳帳遙趨大國風懸腰雙劍拂長虹旋收駿骨過秦市
盡輦蛾眉入漢宮紫閣烟霞晴望裡黃河水雪醉吟中
驚看岳頂重題後萬古金天色對雄

拂袖驪歌共黯然青山孤照越門筵藍田畫好推摩詰
灞岸詩成憶仲宣朝日未央千榭起暮鍾長樂萬家懸
何愁肺病當年事對倚金莖玉露前

欽吹朝巡百二州五陵花色傍行驕山迴菡萏終南出

殿鎖芙蓉太液愁異日諸儒傳白虎

班氏通德論

早時多士

識青牛葡萄細酌咸陽夜好是經過舊酒樓

西征車騎去翩翩夾道爭迎使者賢
執憲盛推何李後雕文重識漢秦先
幰帷翠逼長安柳杖屐青攜太華蓮
莫以上林秋雁盡緘題憑寄白門船

秋日送僧遊天竺遂之五臺

寒風挂席下滄溟是處名山適性靈
勝地暫依三竺紫高天遙望五臺青
中林伏虎雲生座絕澗尋龍月滿鉶

若見文殊勞寄語法門何日擬談經

吳文仲明府過訪有贈并東喻水部

片語青雲照玉珂驚看結駟傍岩阿河南政績吳公最
鄴下風流季重多岍幘晴光三徑滿鳴琴秋色萬峰過
同聲咫尺何郎在倘許頻來醉薜蘿

秋日邦相署中對菊作篇末兼期枉過

僊令栽花自國工幽香競吐曲闌中瑤臺驟立霜千朵
玉砌渾敲露一叢摘處杜陵堪歲晚餐來屈子未途窮

白衣剩有江州醞莫遣東籬悵望同

邦相遊爛柯山值雨不遂以長歌見示賦此奉

嘲

曾聞樵者說丹丘流水桃花事事幽風雨忽摧飛鳥興
雲霞如妬爛柯遊千秋且向塵中住十日誰能洞裡留
好趁峭帆安道宅青天豪飲潑江頭

易惟效明府過訪有贈

蕭條一曲臥烟霞忽有軒車到狹斜天闕九重曾攬轡

河陽百里斲栽花寒星婺女隨春棹片石江郎對晚衙
回首爛柯仙宅近幾從飛鳥問丹砂

鄉人有自吳中來者談曇陽仙師坐化事奇甚
信筆奉寄王長公元美

自是梯仙第一才豈無清夢到蓬萊書飛南岳夫人下
燕罷西池阿母迴高浪駕天懸玉闕絳霞扶日近瑤臺
三山金記應相授曳杖行看出九垓

哭穉修博士

斗色俄看散楚墟青袍猶憶上公車十年風雪淹行卷
萬死乾坤逐謗書冠掛尚留神武恨壁空誰問茂陵居
相思忍誦招魂曲滿目陳編涕淚餘

貞吉以秦鏡并短歌見貽賦此奉答

誰訝軒轅舊物留美人持贈自南州傳看玉質千秋上
不愧冰心萬里投勲業杜陵堪徙倚雲山王勣任遨遊
莫誇照膽秦宮事一對蛾眉客自愁

送易使君之延平

驪歌催發向華筵
千騎延津去黯然
偃蹇金魚辭上國
輝煌銅虎出高天
三山疊翠流公署
九曲分青照畫船
何限武夷雲際色
時從絕頂候飛仙

聞楊懋功闢園城中有寄

拂袖匡廬興自濃
開成池沼半芙蓉
青山九疊窺玄閣
綠水千家抱素封
燕社琴尊時寂莫
龍沙冠蓋日從容
傷心直北談天處
坐盡雙林雪夜鐘

東陂菡萏盛開即事

紫騮何處繫垂楊
菡萏初分太液長
十萬紅粧齊街色
三千彩袖各飛香
遊童戴葉翻歌扇
稚女穿花出畫航
最是夜來添悵絕
湖南一路下新霜

題吳文仲萬綠軒

萬綠沉沉一逕開
幽軒十尺淨無苔
簾垂更向花間出
印鎖人從竹下來
晚色掛雲流渭浦
秋陰籠月住湘臺
含杯倘借清談客
日把琅玕醉不迴

同邦相攜酒蘭陰送曹子念入閩作

平原此日又離筵
夾坐青山對惘然
丹荔欲餐閩海上
紫蘭重擷越溪前
船過楊僕行師地
劍訪雷生作客年
為向武夷看謫籍
東歸同赴大羅緣

再送子念一首

長嘯東遊罷請纓
閩天何處一帆征
黃鬚自識英雄後

白眼誰猜骯髒名

杜贈曹將軍逢窮反遭俗眼白
子念方以貧故客閩故用為戲

蕉葉

覆溪猿狖下桐花
夾路鷓鴣鳴芒鞋
試踏三山徧醜酒

無諸舊築城

奉題昆山草堂二首為中丞潘公讀書處

萬卷縑緗百尺臺
白蘋風起對銜杯
窓中日抱吳山下
座裡天浮震澤來
秋興賦成聊偃仰
河渠書就一徘徊
無誇太乙當年事
已見寒光屬上台

曲榭雕楹雪水傍
琅函挿架照滄浪
丹霄正錫尚書履
綠野先題相國堂
句就松風閑鶴浦
夢迴蘿月上鵝行
憑誰寄問花溪叟
稷契何由近廟廊

夏夜座主觀察吳公招集行館賦謝

畫戟初殘晏寢香遙從閣夜問飛觴登龍舊忝諸生列
倚馬新叅上客行擁架圖書迴秀色當筵絲竹動清商
莫將異數誇羣弟誰似彭宣到後堂

秋日同邦相明府敬承太史集鄭氏園亭薄暮
攜酒登大雲山二首

濁酒虛亭共解顏歲星雙伴客星閒雲藏翠竹迷深徑
日落丹楓照暮山賜履漸回金闕夢鳴珂初散玉堂班
由來一壑高人事縱許羣公只蹇攀

其二

時方仲秋

石磴千盤上翠岑，迴看秋色半蘭陰。
攜琴共識仙郎過，曳杖重占太乙臨。
病裡河山雙極目，狂來天地一論心。
莫將峴首誇遺蹟，屈指殘碑異代尋。

送顯上人遊臨安

一肩瓢笠自飄然，遙向西湖覓梵天。
壇上萬僧昭慶刹，寺中千佛淨慈蓮。
傳燈共挾西來侶，綻衲重尋北去緣。
便欲辭家同出世，祇今摩詰病沉綿。

昭慶戒壇淨慈羅漢五百俱在西湖

上

聞王次公自關中回寄

關外千言定有無
重看紫氣照三吳
青牛獨夜驅函谷
赤鯉經時候太湖
宮柳折餘閒薜荔
岳蓮攜得傍菰蘆
秋來倘憶乘槎客
坐扣雙仙白玉壺

金伯韶以春懷小草見詒訝其結交甚盛戲為

賦此

伯韶與余同舉
於鄉時年甚少

看花曾共憶明光
攜手聲名動洛陽
獻賦競誇童子日

封書猶記丈人行交論一代饒知己語到千秋孰擅場
若問景純雙彩筆好飛魂夢過錢塘

丁節推以滕公書過訪夜遂夢遊武夷

洞底遙探十六天蒼茫龍蹻踏寒烟瑤臺霧裡三山出
金闕雲中萬界懸絕頂笙簫聞上帝隔林機杼見羣仙
桃花肯着秦人住長侍丹經碧落前

九日丁喻二丈約訪太史趙公山庄值雨不遂

夜遂同集署中對菊

蕭蕭風雨暗林塘
難醉龍山落帽觴
白苧懷人當五夜
黃花留客過重陽
金門恍惚看鵷序
玉署參差過雁行
滿坐青雲名勝在
雄談誰柰孟嘉狂

送丁右武入都

搖落西風大海涯
美人愁色共蒹葭
冰壺夜照閩天月
玉珮晴飛碣石霞
駟馬于公新上計
雙龍雷煥舊名家
他時鹵簿江州駐
倘記柴桑問菊花

奉寄中丞蕭公

憲節新持下玉宸
函關西去息征塵
輶軒盡壓三秦吏
斧鉞先驅二華神
紫塞風雲迴夕望
黃河雨雪避朝巡
青油幕靜含杯處
能憶天南授簡人

奉寄左司馬汪公四首

有序

不佞傾慕左司馬汪公久矣
向以臥病不獲
通姓名左右
乍忽致書
邦相明府
首辱垂詢
且勉之
出赴公車
意蒸蒸
溢楮墨焉
感知酬
德輒賦四章
并以代贄

功成一疏下蓬萊寂寂平津畫未開九伐尚傳司馬法
千秋重覩臥龍才天懸白岳雲霞駐地擁黃山日月迴
聞道藏書岩穴遍好飛椽筆到蘭臺

垂旒朝日侍明光開府頻年控輿裳幕下詩名收李杜
朝端文譽重班揚行藏未許親魚鳥棲處還應是鳳凰
最是憐才心更切遠題書札問陵陽

紫閣歸來髣髴尚玄朱軒遙憶宦遊年毫飛雪色三湘外
劒吐霜華百粵前尺地東陵聊寄迹扁舟西子暫隨緣

漫從九折誇迴馭屈指蒲輪日下傳

乾坤何處獨支頤咫尺龍門駕尚遲
七步已非年少日
四愁偏向倦遊時
書傳一雁堪飛動
匣隱雙虹漸陸離
縱是焦桐慙拂拭
會將流水傍鍾期

大司寇豫章李公以手書見貽賦謝二首

八座歸來鬢未斑
三朝舊德迥難攀
攀雲霓尚切中華望
宇宙偏容大老閑
賦罷滕王無彩筆
書成匡俗有名山
獨餘吐握當年思
尺素蓬蒿問閉關

斧鉞頻年寄折衝
乞身茅屋傍蕭峰
霜威大漠猶方虎
斗色孤城自臥龍
匣底劍花收齒齒
囊中詩草泣芙蓉
莫誇驟貴東京紙
屈指三都未易逢

太史趙公於山莊後開二洞并前為六命堂曰六
虛齋曰三山同邦相賦二首

卜居太史乍江潭
攜酒仙郎更夕嵐
戶列三峰天上下
堂開六洞地東南
侵堦瀑色懸空翠
八座雲光散鬱藍
十里衙齋山路近
儘教明月候歸驂

暫解朝紳臥越臺重飛仙舄傍崔嵬寒岩雪噴雙龍下
疊嶺雲驅萬鷲迴花木平泉春縹緲藤蘿谷口暮徘徊
臨池莫詫山陰興今日登高盡賦才

曹子念東歸同邦相攜酒蘭陰作

紛紛白眼又吾曹睥睨山堂對濁醪白晝星辰羣下榻
青天雲霧一揮毫歸途漸喜還江縣起色重因望海濤
十日平原堪此地千峰寒月坐來高

王長公閉關修玄謝絕一切獨期余過訪禪堂

余以母病迄今未赴春日索居讀公所致諸
札掩袂太息懷不能已積成七言律八章用
攄鄙臆詞之荒陋不暇計也

屈指玄關大藥成仙臺咫尺見蓬瀛河山漸隔青霞色
宇宙空懸白雪盟避客草深句踐里懷人花滿闔閭城
芒鞋儘識皐橋路躑躅遙天去雁鳴

夢寐龍門曳客裾浮雲東望獨躊躇乾坤片刺華陽後
海嶠孤吟越絕餘千里壯懷懸謝屐百年遊興屬潘輿

何如賣藥吳閭外七十雲峰恣所如

寂莫千秋大將壇誰標砥柱立狂瀾三墳讀盡神偏王
四部成來鬢未殘大澤風雲迴雁杳中原日月臥龍寒
代興總愧當年約極目遙空十二闌

拂袖吟行大海傍關門紫氣正徬徨心懸寸草時千折
淚灑孤桐日萬行下榻塵埃慙仲舉驅車岐路畏王陽
亦知把臂濠梁近愁絕兼葭尚一方

題詩遙向大羅天負笈曾期問草玄信宿未酬中散駕

經春長繫孝廉船形骸病後銷孤枕意氣狂來付絕絃
彈指歲年三十過幾時林屋刺周旋

彈鋏頻年賦遠遊獨將離恨對滄洲魂飛桂樹千山色
目斷桃花一水流海內何人偏御李塵中有客尚依劉

李今伯
祖母劉

高秋倘借南溟翼萬里搏風到玉樓

病餘天地骨全銷荏苒行藏付寂寥終古神交玄度在
異時昏嫁尚平遙紅顏轉自宜丘壑白眼那能對市朝
愧殺美人千里顧可從青雀問瓊瑤

十載風塵國士知
論心深負白雲期
遲迴五岳天難問
落魄三都世尚疑
敢向周王誇駿足
聊從越女鬪蛾眉
高山久絕人間試
拂水絃問子期

遊仙詩六首再寄王長公

弱冠登樓漢大夫
中年捨宅傍浮屠
青霄忽下緱山鶴
白晝頻飛葉縣鳧
仙篆可攜中散讀
神鞭欲贈蔡經無
由來一局千秋易
遮莫狂歌醉玉壺

偶憶王家故事遂至八句各用漫存

以發作者一咲王子喬乃太子
晉周漢異時非必葉縣王喬也

采藥何時下帝關
看花聊復住人寰
崑崙日月懸高臥
勾曲雲霞照大還
絳節逍遙鸞馭迫
丹旌縹緲鳳樓閒
騎羊漫有初平骨
未乞靈砂護壯顏


曾攜玉杖侍東華
一謫頻年臥海涯
萬頃太湖堪洗藥
千層弱水待浮槎
吟窺弄玉臺邊月
醉躡飛瓊座裡霞
何事當時勾漏客
遠從荒徼問丹砂

矯首扶桑帝闕開
人間真覩謫仙才
青牛未向函關去
白馬先從漢殿來
下界懸壺聊戲劇
中天乘蹻獨徘徊

靈圖阿母如親授乞取蟠桃下絳臺

五夜玄扉閉薜蘿坐聞仙樂度岩阿雲中劍擲蒼龍起
海上車乘白鹿過金闕九重瞻泰岱玉樓千里問岷峨
遮須却笑陳思國八斗何緣到大羅

咫尺瑤壇上界分自攜真訣傍氤氲龍蛇大陸飛丹竈
鷄犬全家住白雲種得神芝遺桂父攜將靈藥寄茅君
華陽瞬息乘風到一鶴能無洞口聞



少室山房集卷五十四

欽定四庫全書

集部

少室山房集卷五十五至

詳校官編修_臣 程 槐

侍讀_臣 孫球覆勘

總校官庶吉士_臣 何思鈞

校對官中書_臣 王鍾泰

謄錄監生_臣 熊 濂

欽定四庫全書

少室山房集卷五十五

明 胡應麟 撰

七言律詩八十二首

冬日同喻水部趙觀察趙徐章葉郭鄭六孝廉
趙唐童范四文學遊靈洞山房十首

初抵碧霞宮集趙明府汝申別墅 宮汝
申新創祀碧霞元君有昇仙岩禮斗臺諸

迹

出郭青鞋不憚勞
草堂新築萬峰高
天容二子探奇入
地引羣公發興豪
蓬島秋聲猶鶴馭
武陵春色漸漁舠

天氣煥甚桃
杏已有開者

東方自識前身是
少別元君又碧桃

午過青芝館小憩
汝申丈墅中煉藥之所

歸來散髮臥青山
丈室峰頭自閉關
大藥欲成丹竈底
靈芽先湧白雲間
餐來四皓鴻堪佳
采罷三茅鶴並閒
一笑風塵吾漸老
會尋瑤草上仙班

薄暮遊湧雪洞 洞山之麓乳泉流漫蜿蜒如

雪中甚奇邃炬盡輒返未有窮其穴者

石竇中開雪乳懸迎人百折自蜿蜒瑤池忽覩三山下

玉井平分二華前素練生風搖大壑白波吹雨漲平川

由來郢客才堪並一借陽春洞口傳

邦相先有日對寒泉自詠詩之句

夜投紫霞洞童范二文學攜具小酌 洞突出

山腰高明宏敞羽流宅焉宋隱士于介翁以

古詩有輕舉乘紫霞之句故名即其詩所云

洞門相對是吾家者也

捫蘿昏黑度崔嵬萬炬山腰石扇開巨壑迥排丹嶠出
飛橋橫跨赤城來桃舒錦障猿初下草長金光鹿未迴
莫闢謝家成綺句朝攜五色上蓬萊

同邦相集趙太史山莊作 地故白雲寺址四

山園合中忽平敞清泉竒石為一方最太史

公選勝得焉

迴合千峰望未真平開十畝坐嶙峋雙鳬忽駐神明宰

一鶴曾閒侍從臣

清獻事

阮籍嘯歌聊玩世尚平婚嫁故

留人山靈咫尺堪攜手白石長松對結隣

山行觀飛來石 山堂之後巨石千尺峭立平

地峰巒秀出勢欲飛動靈隱之具體而微者

午夜松風襲錦袍起看孤嶼矗林臯初疑片石飛靈鷲
忽似三峰駕巨鰲仙掌捫時應拆漢神鞭驅處欲驚濤
何當一棹西湖上臥對寒雲萬尺高

登洞山絕頂至白雲洞 邑東南最高處雲氣

出入其中岩壑宏朗徑路窈窕遊人至者往
往忘返

踏盡青山興未還帝鄉仍到白雲間瓊樓特起三千界
絳闕遙封百二關自擬探遊窮地脉誰論呼吸近天顏
亦知怡悅幽人事持贈聊當茂宰閒

自白雲返由故道抵新洞 久蔽榛莽近樵婦
墮其中居氓踵入得之洞類白雲而深窅峻
絕遊人魚貫纍纍而下秉炬千盤始抵石室

路中復斷用梯乃得達平敞處

躡屩褰裳列炬從投身捷下最高峰壺中地欲窮千尺
杖底天猶隔九重跂足青泥捫虎兕盪胸蒼乳攫虬龍
梯仙是處吾家在莫遣流泉世上逢

新洞或以飛龍名之余謂弗善與邦相謀更他
名洞中最勝者蒼壁陡立飛泉數十道迴旋
直下邦相擊節目余曰水簾哉余因為更賦
二首洞雖晚出故不謂不遇也

絕磴千盤下翠微
遙驚瀑色挂丹扉
淋漓恍墮鮫人窟
燦爛全窺織女機
天遠玉繩浮帝座
地寒珠箔護仙衣
廬山谷畔尋常見
得似靈源洞底飛

廬山康王谷
有水簾洞

其二

洞中先有避秦來此
處何必問桃源之句

雪浪盤空望漸低
清湘一幅似堪攜
澌紋細綰千絲潤
練色平鋪萬杼齊
丹闕夜懸銀是檻
絳宮晴捲玉為梯
重來莫障劉郎步
咫尺桃源記舊題

暮春遊白岳十二首

同遊者謝少廉汪士能吳肇成方羽仲余有
題文草中

齊雲岩

中天城闕吐蓬萊萬仞芙蓉壓翠苔紫霧晝連三竺起
青霞晨傍九華來龜蛇隱見靈仙窟龍象騫騰上帝臺
奇絕東南誰並此祇應人世有雄才

小天門

重疊崖巒護翠屏何人持斧鑿青冥千尋峭壁移夸父

一線寒空透巨靈鍊石誰當楮玉竈九泥吾欲閉金庭
不緣混沌頻年斲千岫桃花隔釣舸

太素宮

絳節宸居北斗懸金銀臺觀屹相連朱甍宿霧千峰外
碧瓦籠雲萬岫前粲爛靈旂朝帝日飛揚神劒伏魔年
何因矯躡罡風去一叩玄闕意惘然

香爐峰

斗絕穹窿四望奇削成員嶠置坤維孤峰宛自廬山得

一柱真從太乙移，青燎夜升雲黯淡。
紫烟晨合霧淋漓，漫思香案曾叨秩。
少住塵寰八百期。

紫霄岩

萬峰晴色暮登臨，望入山腰翠欲沉。
霧擁樓臺橫碧落，雲拖旛蓋出青岑。
雄文勒岱知司馬，秀句題匡憶翰林。
三絕祇應留異代，蓮花千丈撲狂吟。

汪司馬李太史各有詩

紫玉屏

崢嶸香案帝庭留，萬仞高懸翠欲流。
九疊似張廬岳頂，

三峰如削華山頭長舒霧色黃金界半掩霞光白玉樓
椽筆大揮飛瀑底凌雲何似仲將愁

司馬碑

十丈穹窿峙翠屏如椽真慰北山靈蟲書半蝕先秦字
龍畫傍分大夏銘虛擬相如論秦岱漫勞太史序云亭
何人解摸邯鄲碣祇是中郎讀未停

飛雨樓

懸泉百尺亂侵衣珠箔銀屏護翠微霧裊重崖渾欲墮

風迴羣岫盡如飛
山樓夜榻眠蒼蘚
石室春盤饌紫薇
一宿已知塵累斷
竹西猶夢舊漁磯

無量閣

熒皇金碧挂檐楹
蘭若翛然出化城
十里亂雲雙屐到
萬山斜照一鐘鳴
岐崖北繞飛梁現
黥水南拖匹練明
自是圭峰飛錫地
何須塵外問蓬瀛

棚梅菴

移根何代植崔嵬
結構名猶借棚梅
千里漫勞孤驛寄

一株元自太和來
花翹鶴膝時沾霧
幹圻龍鱗乍起雷

嫩蕊踈枝渾欲折
凌風無處問瑤臺

今梅毀于火

五老峰

蒼然離立盡彭聃
底事東風下鬱藍
四皓衣冠猶減一

八公環珮僅餘三
移來不惜匡廬頂
飛去重尋雁宕南

潦倒青蓮頭漸白
乍因奇絕駐征驂

雁宕南山亦有五老峰見志

三娥石

參差霞珮出蓬萊
次第雲鬟立翠苔
石上同心朝帝罷

山頭聯臂望夫來從游宛入黃陵廟

舜有三妃見大戴禮

爭艷如

登白玉臺

古樂府題有三婦艷詩見玉臺集六朝多為之

漫說桃源雙占盡尚

留傾國侯仙才

是遊也伯玉司馬有送余東還記叙諸厯覽甚詳

西湖十詠

有序

余自九齡從家大人客武林迄今三十餘載

湖山面目狎習久矣廼篇咏未嘗數數也今

秋再過社中諸同志固以為請酒酣援筆得

七言律十章王司寇元美嘗謂錢塘越佳麗

地不應例以關洛之調寫之茲作數篇頗竊
其意第老翁塗抹作態兒子終于本色不倫
以供來者之捧腹庶幾云爾

雪消塵淨見層空山色湖光面面同巘嶂遍圓雲母障
波濤長浸水晶宮青天遊蓋飄香霧白晝飛梁墮彩虹
隔岼近移蘇小宅畫船齊泊藕花東

一鑑空明暮靄收短簫長笛亂雲流天浮殿閣連三島
風引帆檣到十洲峰際欲呼巫女下波心如抱洛神遊

翩翩蘇白留題滿得似才情激水頭

繽紛桃李盡成蹊夾岼晴沙送馬蹄遠水落霞蕭寺外

孤峰殘雪斷橋西闌干半倚青林出睥睨遙看碧樹齊

小扇輕羅歌未闕樓船已到百花堤

元人西湖樂府有小扇輕羅曲今尚

傳

徙倚危闌醉目醒淡粧濃抹望難停波搖西子眉端綠

山疊文君髻上青楊柳千絲圍別墅芙蓉萬朵簇南屏

迴橈欲到錢塘岼一派絃歌月下聽

錦纜牙旗夾畫橈雙高晴色望峇峩諸天龍象圖三竺
大地鼇鼉架六橋丹壁旛旌時隱見白雲鏡吹互飄搖
斜陽一抹人歸處多少紅粧落翠翹

油壁香車夾路馳目成何處兩蛾眉荷風錦席參禪夜
梅雨紗窓入夢時湘浦珮環無別恨曲江亭院有佳期
菱歌唱徹黃昏後對對文鴛浴水湄

千山臺殿列金銀草色湖頭綠漸勻白傅堤前題柳客
陸侯祠畔賣花人連峰黛簇嬋娟髻滿路香飛叱撥塵

四百旗亭遊未半遙看斜日墮紅輪

一望平湖翠幙懸湖心亭上劇堪憐
凌波舴艋雙雙度掠水鴛鴦隊隊眠
靈隱僧歸雲色裡淨慈人醉月明前
吳姬十六俱年少競結同心玳瑁筵

碧空如水淨無氛雁子兒雛蕩潑紋
繫纜半依秦帝石攜尊齊酌岳王墳
荷花色照千門月桂子香飄萬壑雲
向暮西泠風轉急淥波橫濺石榴裙

玉勒金鞍照綺羅游人成隊出清波

門名

丹青屏障穿羅

竹紫翠樓臺夾芰荷
絲竿似携盧女到畫橋
曾約秦娘過千篇未少
風雲氣柰此湖山媚客何

後西湖十咏

有序

十咏成湖中景物大都具矣
自餘峰巒臺榭諸名勝未盡窮也
座中諸子更有乞余分賦者
漫爾占綴數亦如之為西湖後十咏焉

湖心亭

萬頃寒波蕩潏紋
朱簾十二挂網緼
闌干盡壓魚龍窟

簫鼓長驚鴈鷺羣
山色四圍晴擁霧
湖光八面夜飛雲
中流好是西施宅
早晚鷓鴣衣挈畫裙

靈隱寺

畫拱雕甍勢欲翔
居然臺殿到清涼
三天竺色全窺戶
九里松陰半入廊
絕頂竿旛紅日近
中峰鏡磬白雲長
異時禪榻驚人後
彩筆猶傳婺女傍

用駱氏事
駱婺人

飛來峰

突兀空明架紫苔
紛然龍象鑿瑤臺
崑崙一柱從天下

灝瀕孤根拔地來飛到豈緣夸氏力

夸娥移山事見列子

削成庸

假巨靈材他年挾汝乘風去不羨如拳寄草萊

武穆祠

十尺巍巍岳降神當年橫槊狗邊塵中原萬姓遮留日
絕徼全師慟哭晨陰雨旌旗朝上帝春風笳鼓酹遊人
淒涼大樹英靈在盡拱南枝向北辰

三天竺

百尺金身峭壁前三峰雲氣屹相連渾疑竺國諸天墜

絕勝秦城太華懸

以三峰言

隨處法身分翠竹

禪家有青翠竹盡是法身

之語

無窮妙相示青蓮
瑤輶咫尺西方在一叩如來結梵

緣

觀世音為功德山王如來

九里松

鷲嶺西來梵剎重
長松落落倚芙蓉
千林夜湧濤聲出
九陌晴飛露氣濃
翠蓋中天巢鸛鶴
蒼髯匝地舞虬龍
餐霞亦是華陽客
遮莫秦娥樹底逢

孤山宅

兀立中流四望奇誰開丈室枕漣漪雲埋洞口呼猿日
雪擁湖頭放鶴時藪桂作花猶滿砌踈梅橫夢過當籬
凌風却月憑誰和一樹寒香入夢遲

寶所塔

絕頂浮圖出化城捫蘿如躡太空行孤標突兀神光現
七級玲瓏妙相呈大海雲霞頻幻色平湖日月遞生明
亦知多寶元無相何暇當年阿育成

六橋堤

千尺晴虹架彩旂
闌干三百大堤頭
繽紛冶女迷花到
雜沓王孫戲草留
玉管競催明月上
金丸時逐暮雲流
春風一路堪圖畫
萬樹桃花簇紫騮

湧金門

鼓吹喧闐一望遐
湖頭雲日亂蒹葭
三千舫舫家家月
四百樓臺寺寺霞
桂影荷香迷越客
竹枝桃咏醉吳娃
天容乞與西泠地
獨擁寒濤臥釣槎

武林徐明府招集西園時風雨驟至剪燭劇談

幾達曙矣賦謝二章并以為別時明府將入

覲余往吳中

握手新知興欲狂
熒煌燈火夾華堂
荊州意氣歸元直

明府楚人

鄴郡聲名擅偉長
白學生風搖彩袖
青萍飛雨落

胡床為知政績書
前殿不遣雙鳬出
上陽

痛飲狂歌意未平
坐聽寒漏滴高城
裝因北海經旬滯
燭向西堂盡夜明
是處湖山重借色
他時風雨各關情
含毫漫說雙龍合
拂曙河橋問去程

少岷山房為曾大叅題

有序

少岷山在蜀之合江鄭繼之楊用修各為曾
計部作歌大叅曾公以世澤索題諸末簡

積翠遙天挂玉臺少岷山色峙崔嵬雙溪雲霧尊前合
六洞烟嵐杖底迴閣上玄經中散臥堂中詩句拾遺裁
從知勝槩堪遊目躡屩何時萬里來

汪茂才獻予以先隱君像千里函致乞詩

大隱風流世未孤少微星色臥江湖園荒漢上甘攜甕

室儼於陵但辟鱸廿載避人呼漫叟一書遺子號潛夫
天池鳳羽行看近日聽鸞章下帝都

遊爛柯山題青霞洞天石室中

布襪芒鞋興未闌天風吹客上層巒仙山七日柯初朽
人世千秋局未殘塔影半搖蒼靄暮鐘聲微度白雲寒
龍肝食罷知難老咲揖羣真跨紫鸞

過嘉定集張伯隅閣上同房仲孺穀諸君

綠堦堂開碧水頭平原河朔讓風流雕闌百折捫霄漢

畫棟雙飛挾斗牛，麗賦總輸鸚鵡捷。清歌如跨鳳皇遊。

莫將十日淹行旆，極目華陽待紫騮。

時伯隅先得
萬將上春官

即席再賦得臺字

百轉長廊入翠臺，不知身世近蓬萊。當門淶水流金谷，繞座青山挂玉臺。舊主人非吳下客，新郎君是洛陽才。

戲用張
解元事

瓊筵咫尺春光到，深夜狂歌落早梅。

別趙張兩生還越，張以氣俠聞青樓。趙雅歌吳

閭，稱最浹。日同飲舟中，甚樂也。

白舫青蓮任意遊
好天良月大堤頭
金衣驟擲張公子
玉笛頻吹趙倚樓
奏罷陽春無和客
酣來河朔盡名流
那堪後夜驪駒起
千葉吳閭競送愁

別房仲洎岡伯逸季

尊酒淋漓醉復歌
紫簫紅燭夜如何
猶嫌十日平原少
未信千秋碣石多
狼籍杯盤沾重露
縱橫舟楫漾明河
惟應伯季吳閭遠
悵絕河橋一旆過

再為房仲贈侍姬

時獨居一室
以禪悅為事

禪關趺坐寂無塵水月長餘自在身
行雨盡忘三峽事餐霞時伴四天人
天桃媚柳寧同色忍草靈花別占春
莫向維摩論侍疾由來捨宅是王珣

幼于留寓曲水園張九卿周懋修錢功父黃仲
華趙凡夫吾君先後過訪賦贈此章

屐齒紛紛破綠苔爭攜流水入平臺
清風驟擁三高至明月仍將二妙來
西第琴書慚浪客南皮觴咏盡詞才
春晴定卜滄浪野不厭相過暮百迴

陳長洲楊吳縣訪曲水園幼于攜尊夜集以河
陽花作縣秋浦玉為人拈韻余得花字時二
明府皆將入覲并以贈行

茆堂燒燭散林鴉車騎聯翩夕放衙越嶠移來閩海荔
吳天栽遍蜀城花朱絃和處雙凌雪玉鷁翔時並帶霞
翹首黃金天闕近盡將離思入蒹葭

陳君閩人新自永嘉移任楊君蜀人

過晉陵訪安茂卿泊乃兄緒卿光祿時長至前
一日也

握手渾疑夢寐餘故人杯酒暫躊躇
尊前重碧香仍艷席上輕紅態未除
菜甲初傳春早信桃花不鎖夜來漁
西陵咫尺元方在片石何妨共結廬

輕紅茂卿童子嘗入余詩

寄朱在明

五載幽懷尺素傳北風猶滯木蘭船
橫江欲度偏愁浪下澤堪居未買田
桂樹飛揚招楚日桃花零落避秦年
沙頭定艤春來楫共結楊亭話太玄

夜同徐茂吳宋化卿集許才父聽歌作

把袂重過白板扉一尊嵐靄坐霏霏雲因洛水先春現
雨為陽臺徹夜飛時大雨連日夕爛漫歌喉縈錦瑟輕盈舞態
拂羅衣當筵授簡俱詞客唱徹梁州露未晞

中丞滕師人越賦賀

十萬貔貅候羽旗登壇橫槊賦成時頻年漢闕絲綸下
此日轅門號令馳大海潮生强弩合平湖波煖畫船移
丹青第一麒麟上肯數班侯骨相奇

送遷客之嶺南

離心何處一登樓折檻嶙峋漢闕留曉霧乍將龍豹臥
朝陽行覩鳳皇遊梅花醉折羅浮頂桂樹閑吟庾嶺頭
為問蓬萊朝上帝如何砥柱在中流

千秋閣四首為司馬汪公賦閣在千秋里中

偉閣嵯峨北斗前千秋誰擅筆如椽窓中玄草雲霞入
座上青藜日月懸中令才華慚綠瑱右丞名理讓藍田
惟應太史書成日突兀龍門四海傳

縹緲飛樓大谷傍雕題遙接海雲長中原雪色高黃阜

太乙星精下紫陽五柳莊前蓬作戶
百花潭上草為堂
却思香案紬書日十二樓頭侍玉皇

紫氣青都屬望來
熒皇飛構入崔嵬
玄龜左右圖書出
翠鷺東西法象迴
草就滕王千客避
藜然天祿萬靈陪
莫誇名姓麒麟上
別擅乾坤在草萊

公所居太函二峰
環抱昂首相向宛

類龜形

湖海飄然一敝裘
縱橫豪氣未全酬
閑憑司馬千秋閣
絕勝元龍百尺樓
座裡風雲迴客傲
壺中天地縱神遊

寧知文舉雙眸白大有忘年在黑頭

夏日三衢水亭作

有序

易使君李司理招同屠儀部夜集城南水亭
使君新創屹立水心四面環齒莖數百夾堤
散植桃柳芙蓉青油畫舫一繫亭下容十人
尊壘簫管錯列其中每公暇燕集臨亭放舟
微風自來平波如掌銀鱗鮮鯽近人可數雜
花芳樹應接不遑真姑蔑一勝境也先是衢

苦無游觀處自使君實始營此而司理佐之
人以方蘇白兩公云

促席張燈喚叵羅習池心賞未蹉跎半依城郭栽桃柳
小著亭臺伴芰荷露洗長空沉皓魄風搖殘夜落明河
相逢條盡東南美不飲其如浩興何

徐明府仁卿招集墅中

有序

時孫生國梁金生石聲在坐酒酣命小奚歌
紅線侑卮入夜別明府過劉總戎兩生拂衣

從余潦倒幾申旦復發興攜兩生入徐納言
宅觀梨園適演雜劇黃四娘乞人有借名杜
拾遺者傍觀爭目兩生余為撫掌一大噱而
出

面面朱簾霽色流主人攜榻自南州三年潁水傳新績
一夕臨安話舊遊舞罷青萍霜照匣歌迴紅線月如鉤
銜杯未劇高陽興笑殺君卿事五侯

徐納言汝材過訪邀集賦謝并東其諸郎君時

二尊人皆眉壽無恙

舞罷斑衣玳瑁筵瓊林玉樹半堦前縱橫冀北三千隊
聚散蘭陰二十年亭倚惠風臨曲水徑穿奇石到平泉
莫將貝錦紆行樂宣室行看太傅旋

李司理招集署中

玉署燒燈共歲殘胡床攜手不知寒微言總為千秋合
縱飲何妨乙夜闌竹送清霜流藻井梅飛殘月下雕闌
傳家剩有河梁句莫說雙龍唱和難

送劉侯如吏部入都

早擅昆丘片玉塲仙曹司法暫徜徉深宵藜火懸書閣
白日蒲鞭臥訟堂去曳朱衣朝漢帝歸攜彩筆賦滕王
雄飛不獨銓衡借八翼天門次第翔

雨中董使君招同汪司馬集諸天閣

樹樹桃花點綠苔萬山金碧挂崔嵬筵開五馬春風駐
座合雙龍暮雨來漢殿才名饒賈董梁園詞筆愧鄒枚
無論借寇當年事突兀黃金擁薊臺

夜過汪士能家看燈同肇元太學奕戲贈并呈

司馬公

萬炬烟銷夜色潛一尊明月吐朱檐遊同太傅偏能奕
貌學參軍未有髯畫閣盛開雲母帳瑤盤時薦水晶鹽
揚州肯挾劉晨去十萬紅粧盡卷簾

參軍肇元父也王長公嘗贈以間道

參軍頗有髯之句

憇嘯園有感

時汪公在小普陀

油壁香車在處逢
巍然飛閣架龍從
爭傳西竺留司馬

誰向南陽識臥龍
古磴千盤藏檜柏
芳池十畝漾芙蓉
亦知杖錫三天上
布帽何因曳鶴從

十九日為大士誕辰
司馬公施像菴中
適余為友人邀遊別墅
奉寄四章

方丈莊嚴闢草萊
天龍八部儼徘徊
函關是日真人過
竺國當年大士來
千室笙鐃臨寶地
十方瓔珞施瑤臺
騎羊莫咲初平拙
恍忽前身是善財

蒼茫雲氣百花潭
總為靈光下鬱藍
般若向來傳自在

圓通渾欲問瞿曇須彌界似移金竺兜率天疑近太函

漫向彌陀論法嗣只今龍象在江南

司馬所居山名
金竺在肇林西

閻浮提界暫徜徉海上曾聞一葦航
紺殿乍傳金粟影紅樓初放白毫光
慈雲迴結三天外慧日高懸八水傍
千億化身何日遇漫將詞筆問空王

玉樹金欄百寶陳低眉睂目坐陽春
暫來東土依檀越誰道西方得美人
淨妙總因圓覺相莊嚴元是法華身
君看一傳瑯琊後大覺從教萬古論

白宋世謫大士為
婦人王長公始闢

其妄余有考
詳莊岳委談

壽汪叅軍六秩

紫氣遙占白岳傍青鸞長駐白雲鄉
張筵鄴下三千客
照坐揚州十萬粧
觀裡瓊花初破萼
庭前珠樹欲成行
他時倘問叅軍句
一笑掀髯向畫堂

贈汪元清肇元二太學

寶鏡銀鞍白馬調
烏衣羣從盡蘭苕
同攜賓客探璫樹
並載嬋娟弄玉簫
別墅風流安石共
中林才思阿咸饒

秋風騎鶴能相過，定約揚州第幾橋。

士能屢遲所，權不至仲淹。怒使家衆數輩促之。

來座中戲作

寒雨蕭蕭閉綠苔，乍聞環珮下陽臺。不因枚叔觀濤至，

已作王郎挂雪迴。國色名花雙爛漫，

是日初見牡丹

高山流水

共徘徊。腰肢沈約偏能瘦，狂倚東風唱落梅。

方景真邀遊慢亭同司馬公賦

有序

山本名烏石突，主人張繡幄為慢，笙歌粉黛。

周列其傍觀者屬路余因謂司馬公昔李白
張謂泛湖郎官之名迄今不朽茲山勝絕而
不佞幸從公後傍觀者闌訝咸以為武夷君
請遂以幔亭名之司馬擊節曰善同集者謝
少連汪士能潘南仲吳太寧諸子詳司馬公
記中

窈窕肩輿度白雲幔亭霞色轉氤氲千山夕照羅峰外
一線春流練水瀆冠蓋盡攜文苑客笙歌如下武夷君

名花滿座天孫外何忝玄光百代聞

武夷山道書稱白馬玄光之天

方于魯以墨譜乞詩卒業賦贈

繁爛雙螺出魏臺奚潘遺法儼重裁玄雲蔽月非烟下

武公業妻名非烟

紫霧寥天太乙來九錫漫誇龍獻兆七香寧

假麝為媒何因飽嚙金莖露一吐王郎萬斛才

非烟寥天一七

香金莖露方氏墨名王勃作大唐墨水數斗飲之萬言一揮見唐小說

少室山房集卷五十五